



BOSNIA AND HERZEGOVINA
Ministry of Communication and Transport
Directorate of Civil Aviation

Broj: 2-2-29-11-1007-3/26
Banja Luka, 1. 9. 2026. godine

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17), člana 25. stav (1) Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23), postupajući po zahtjevu _____, prokuriste Društva za inženjering, građenje, promet nekretninama i usluge „A2M“ iz Sarajeva, generalni direktor Direkcije za civilno vazduhoplovstvo Bosne i Hercegovine donosi:

RJEŠENJE
o pristupu informacijama

Odobrava se pristup informacijama koje su u vlasništvu Direkcije za civilno vazduhoplovstvo Bosne i Hercegovine (u daljem tekstu: BHDCA), a po zahtjevu _____, prokuriste Društva za inženjering, građenje, promet nekretninama i usluge „A2M“ iz Sarajeva.

Obrazloženje

Dana 18. 8. 2026. godine, BHDCA je elektronskom poštom zaprimila Zahtjev za pristup informacijama na osnovu Zakona o slobodi pristupa informacijama na nivou institucija Bosne i Hercegovine (u daljem tekstu: Zakon), u kojem podnosilac zahtjeva sljedeće informacije: „Ovjerenu kopiju registracije aviona i raspoložive prpratne dokumentacije aviona tipa „Piper AirCraft“ serijski broj 34-7970340 registarcijski broj T9-BSA.“

Postupajući po navedenom zahtjevu, BHDCA je preduzela sve radnje kako bi prikupila tražene informacije i razmotrila sve činjenice i okolnosti koje su značajne za obradu zahtjeva, a na osnovu čl. 7, 9, 12. i 23. stav (1) Zakona. BHDCA je u cjelosti odobrila pristup informacijama koje su u vlasništvu BHDCA, zbog čega je odlučeno kao u dispozitivu ovog rješenja, i podnosiocu zahtjeva dostavlja foto-kopiju traženih informacija.

U skladu sa čl. 13. i 24. stav (1) Zakona, podnosilac zahtjeva oslobođen je plaćanja taksi i naknada na ovo rješenje i informaciju. Kako navedena dokumentacija broji 17 stranica, u skladu sa članom 2. stav (2) „Odluke o visini naknade materijalnih troškova u skladu sa Zakonom o slobodi pristupa informacijama na nivou institucija BiH“ („Službeni glasnik BiH“, broj 63/24) podnosiocu zahtjeva nije naplaćena naknada umnožavanja (foto-kopiranja).

Kako je podnosilac u svom zahtjevu tražio da mu se dostavi foto-kopija dokumenata (ne elektronskim putem), podnosilac zahtjeva je elektronskom poštom 24.8.2026. godine obaviješten da je u skladu sa članom 1. stav f) „Odluke o visini naknade materijalnih troškova u skladu sa Zakonom o slobodi pristupa informacijama na nivou institucija BiH“ potrebno uplatiti 5,20 KM prema važećem cjenovniku redovnih poštanskih usluga poštanskog operatera putem kojeg se dostavlja pošta za težinu preporučene pošiljke do 100 grama (koliko je očekivana okvirna težina pošiljke) sa povratnicom (<https://www.postesrpske.com/izracunaj-postarinu/>).

Podnosilac zahtjeva je 27.8.2026. godine elektronskom poštom dostavio Potvrdu o prijemu naloga za plaćanje iz banke preko koje je izvršio nalog za plaćanje navedene naknade iz kojeg je vidljivo da je nalog izvršen, nakon čega je odlučeno kao u dispozitivu ovog rješenja.

Druge takse i naknade na zahtjev i rješenje, u skladu sa Zakonom nisu naplaćene.

Uputstvo o pravnom lijeku: Protiv ovog rješenja može se, u skladu sa članom 28. stav (2) Zakona, u roku od 15 dana od dana prijema, podnijeti žalba Žalbenom savjetu pri Savjetu ministara BiH kao drugostepenom organu, na adresu Trg BiH 3/IX, 71 000 Sarajevo. U skladu sa članom 201. stav (2) Zakona o upravnom postupku i Zakona o administrativnim taksama BiH iznos takse na žalbu, po tarifnom broju 2, iznosi 10 KM, te je dokaz o uplati takse potrebno dostaviti uz žalbu.

Prilog:

- Kao u tekstu

Dostavljeno:

-
A2M d.o.o. Sarajevo
Zmaja od Bosne bb TC Robot Socijalno
71 000 Sarajevo
- službenik za informisanje BHDCA
- a/a.

